

佛說最上意陀羅尼經

宋西天藏朝散大夫試鴻臚少卿傳教大師施護奉詔譯

如是我聞一時佛在救鵠城牛頭栴檀精舍與大比丘衆俱及天龍八部恭敬圍繞瞻仰而住爾時世尊告阿難陀及諸大衆言我觀此南閻浮提末世之時一切衆生由薄福故有諸惡鬼神起諸災難惱亂衆生使不安隱有陀羅尼能爲息滅及增吉祥我今宣說汝等諦聽時阿難陀及諸大衆奉佛教勅默然而聽佛言阿難過去世時此閻浮提有一比丘名曰傳教於九月黑月十五日北方遊行去支那國不遠及四由旬忽於路次見一神人遠遠而住而此神人身長三十肘面圓四肘彼傳教比丘見此神人身量恢偉顏貌熙怡審諦觀察此非他人乃真實是妙吉祥童

子於是傳教比丘詣神人前五輪著地伸其禮敬作禮起已合掌瞻仰白神人言云何妙吉祥童子現如是相耶我今審知定非他聖時彼神人告比丘言誠如汝言我妙吉祥也時傳教比丘復白神人言何故今日現此相耶時彼神人告傳教比丘言汝知以否今南閻浮提當有災難薄福衆生得種種病受諸苦惱比丘白言今南閻浮提何故忽爾有此災難神人言今妙高山南面有阿脩羅興起惡心將諸眷屬索天交戰時阿脩羅遮障日月及以星辰光明不現復有無量極惡夜叉乾闥婆迦樓羅等住妙高山南面見阿脩羅現是相已亦相黨助時天退敗脩羅得勝時南閻浮提忽見如是日月星辰光明隱蔽諸不吉相處處出現風雨非時旱澇競作五穀

苗稼秀而不實設有子實食乃無味當令衆生色力威光一切減劣復有地居毗舍闍等諸惡鬼類變易本形現其異相或作師子虎狼或作狗犬之狀亦復現彼女人之相惱亂衆生令得種種之病使其苦惱所謂癭病風病痰吐之病眼目病頭痛病腹痛病乃至痔瘻病又復瘧病或頻日或隔日或須臾或連月或患瘡癰或患疥癩諸惡疾病徧閭浮提令諸衆生受極苦惱薄福人輩無有免者至於耆年中年或少或幼因是疫疹多從天歿比丘我以此事而懷傷慙故現斯狀告語人知比丘我今告汝若有衆生欲爲自身及其眷屬乃至聚落迨於國界饗殄災沴增益福祥先於三寶深生信重然備名華珍畏燒香塗香種種供具而爲供養當須至心於一七

日不食日四時夜四時勇猛專注持誦最上意陀羅尼而彼災難必獲殄滅一切福祥而能增益比丘若欲持誦彼最上意陀羅尼者先須稽首稱念南無廣大甚深智慧震吼王如來名已即誦陀羅尼時彼神人爲傳教比丘宣說最上意陀羅尼曰

怛你也合他尾布羅誡里吟帝尾布羅濕縛哩尾布羅喻你世阿羅誡帝莎賀曩謨薩哩

縛合你縛囉拏尾瑟劍比拏怛他誡多寫怛你也合他合他引呬引摩引呬引摩賀摩呬莎賀曩謨

謨虞拏引迦囉寫怛他誡多寫怛你也合他誡曩迦哩誡曩三婆呬誡曩吉哩帝

合帝引莎賀曩謨囉怛曩合娜誡合多引曩謨怛他誡多寫怛你也合他引囉怛努合訥誡合帝引囉怛曩合三婆呬莎賀曩謨摩

賀引阿吟多薩縛合彌你怛他誡多寫怛你
也合他阿麼摩四引莎賀曩謨引曩薩旦
合婆寫怛他誡多引寫怛你也引他引麼引
曩娑怛鍤合秣馱鉢納摩合莎哩鉢納摩三
婆吠迦哩四多迦哩曳莎賀曩謨薩哩縛合
沒馱冒地薩埵喃曩謨阿哩野曼祖室哩合
野怛你也合他引惹曳引惹野羅沒地引合
四引摩四引摩賀摩四引莎賀曩謨阿哩野
合縛路枳帝引濕縛合囉寫怛你也合他誡
誡曩引荼曳合誡誡曩尾訖闍合多瞠四彌
引莎賀曩謨阿哩野合三滿多婆捺囉合寫
怛他誡多寫怛你也合他引四引婆捺哩合
引摩賀引婆捺哩引合阿蜜哩合多婆捺哩
引合尾誡多囉惹細引莎賀曩謨阿哩野合
縛日囉合地波多曳多野引怛你也合他引

吉哩帝合多薩哩縛合吟你引鼻引阿底吉
哩帝合多薩哩縛合吟你引鼻縛日囉合三
婆吠引縛日囉合鼻引那迦引野莎賀曩謨
薩哩縛合沒馱冒地薩埵喃怛你也合他引
濕吠引合多迦哩引鼻引入縛合羅你曳引
莎賀薩旦合婆你謨引賀引你半惹你奔拏
哩迦引野莎賀摩賀引難帝難婆你曳引莎
賀努囉尾努里曳引莎賀羅尾訖里合帝引
莎賀扇帝引悉吠引你縛播尼曳引莎賀覽
謨引捺哩曳引迦引羅播引世引吉哩帝合
多莎賀阿惹拏合曩尾馱摩你曳引莎賀馱
引覩迦哩曳引莎賀彌伽迦哩曳引莎賀末
羅鍤帝曳莎賀冒地孕合誡難帝曳莎賀羯
哩摩合娑引馱你迦引野莎賀瞠迦囉引摩
引野莎賀阿瑜誡左哩尼曳引莎賀沒囉合

憾謨_引合播_引虞茶_引上野莎賀薩哩_合
迦哩摩_合嘑囉拏鼻悉史訖多_合野莎賀薩
哩_合沒馱_引鼻三塞訖里_合多_引野莎賀
瞿迦悉陵_合誡野莎賀阿悉陵_合誡野莎賀
部多_引野莎賀阿部多野莎賀薩哩_合拏
具波三摩_引野莎賀摩薩哩_合嘑_引合喃_引
左莎賀

爾時神人說此最上意陀羅尼已告比丘傳
教言汝今以此陀羅尼於南閭浮提十方之
內國邑聚落處處傳說使諸衆生咸得聞知
當令此陀羅尼廣宣流布何以故爲與衆生
能增長功德故能與衆生除諸苦惱故能於
世間除諸災難故能令諸惡鬼神息滅惡心
故能令所在國邑聚落王及臣民一切皆得
安隱快樂故比丘若有善男子善女人欲以

此陀羅尼恭敬供養受持讀誦息除災難增
長功德者應當發至誠心歸依三寶於一七
日中日別備諸香華飲食供養於佛又日供
七僧又至中夜於自家庭然大炬火用爲照
燎持誦此陀羅尼所有災難當得解脫比丘
若善男子善女人能如是作者當得自身解
脫比丘若二七日如是備種種香華飲食供
養佛僧一倍於前是人所有父母同得解脫
比丘若於三七日能如是於佛法僧倍前以
種種香華飲食恭敬供養者彼人所有男女
并一切眷屬同得解脫比丘若四七日如是
修持倍倍於前精虔不懈者彼人所住聚落
一切人民咸得解脫比丘以要言之乃至七
七日倍倍增勝於前供養奉佛法僧彼人所
復功德上及國王下及人民國界之內普得

解脫比丘當知我今告汝汝持此法於此界
他方速疾傳說使令流布何以故爲能與衆
生消除種種苦惱增長種種功德故比丘若
復有人得聞是法知其利益心不恭敬又復
不能廣爲人說亦復不能自專讀誦比丘當
知是人得匿法過同五逆罪比丘若有衆生
得聞是法不違我教躬自依法受持讀誦供
養恭敬復爲他人依法修福又能流布廣利
衆生比丘我即遙知先爲此人住妙高山至
天人阿脩羅乾闥婆迦樓羅所以利益心降
伏勸喻爲其說法咸令歡喜使彼天人阿脩
羅等息彼諍心互相恭敬即得闍浮提界災
難息滅疫疹不生諸惡鬼等各各潛隱一切
衆生咸得安樂時彼神人說是事已隱形不
現傳教比丘遵奉傳說爾時世尊告諸大衆

言彼妙吉祥童子於過去世以方便力爲諸
衆生說如是法我爲汝等今復宣說汝等專
心受持讀誦於未來世廣令流布消除災難
增益吉祥時阿難陀及諸大衆聞佛說已咸
悉歡喜專心受持禮佛而退

佛說最上意陀羅尼經